

第四冊

廨宇 學校 會館 戲臺
雜題 投贈 集句 集字

古今聯語彙編
初集

上海商務印書館

廨宇

內閣漢票籤處有舊聯爲諸城劉文正公所書道

光二年燬於火後陳荔峯閣學嵩慶重書懸於

圓明園直廬聯云

天下文章莫大處 龍門聲價最高時

北京政事堂地望高絕以簡爲重某君擬集杜句

譏聯云

竟日淹留佳客坐 兩朝開濟老臣心

曾文正直隸督署聯

無日不以龔黃召杜相規願諸君力行古

道 斯民正當水火刀兵之後賴良吏默

挽天心

吳肇甫冀州廳事聯

古今聯語彙選初集 廨宇

善事上官無失名譽 頗哀老子使得遊遨

額曰坐嘯畫諾之齋

程梓庭祖洛撫吳時於官齋中自書一聯云

醴泉無源芝草無根人貴自立 流水不

腐戶樞不蠹民生在勤

曾文正金陵督署官廳聯

雖賢哲難免過差願諸君讜論忠言常攻

吾短 凡堂屬畧同師弟使寮友行修名

立方盡我心

金陵舊藩署本明中山王故邸西偏瞻園極樹石

之勝中一聯如左所紀上聯追懷勝國下聯乃

指清朝言之錢春農謂爲牧齋撰或又謂吾鄉

黃仲則手筆未知孰是

大江東去浪淘盡千古英雄問樓外青山
山外白雲何處是秦宮漢寢 小苑春回
鶯喚起一簾風月看溪邊綠樹樹邊紅雨
此中有舜日堯天

錢桂森江南文闈至公堂聯

憶彈指頃四十二年涼月中秋寒雨重陽
早歲曾經辛苦地 念廣廈間萬八千士
騰英霍嶽毓靈鍾阜幾生同咏大羅天

又陳聯聯

且莫論白簡朱衣舊夢重尋難得秀才風
味 看一片冰壺玉鑑塵襟盡洗始知上
界高寒

長樂林天齡學使題江陰節署聯

文章有神浩氣接大江南北 風雨不動
歡顏開廣廈萬千

徐州兵備道兼掌河道署中有張鼎聯云

地居黃運中水欲治漕欲通千里河流涓
滴皆從心上過 官作軍民主寬以恩嚴
以法一方士庶笑啼都到眼前來

季時安廣文恩沛教諭蘇州時自撰廳事一聯云

掃雪呼僮莫認今朝點卯 轟雷請客都
知昨日祭丁

揚州府署廳事王夢樓太守聯

上客盡知名杜牧詩才鮑昭賦手 前賢
有遺韻魏公芍藥永叔荷花

朱文正浙江學院聯

鐵面無私凡涉科場親戚年家須諒我
鏡心普照但憑文字清奇濃淡不冤渠

浙江學使署在杭州府學之東署中桃李甚繁有

牌額曰桃李門學使彭文勤題大堂聯云

天地自成文湖山有美 國家期得士桃
李無言

又萍鄉劉金門侍郎風誥聯

使節壯湖山東南壇坫 文光拱奎壁咫尺宮牆

吾鄉趙燕毅公諱申喬清節重望海內景仰其官

浙藩時有自署堂聯云

君不可負只是心難負負心者不容於堯

古今聯語彙選初集 廨宇

舜 天不可欺誰言人易欺欺人者如見
其肺肝

又楊昌濬聯

康濟亟乘時矧逢兩浙初平江海無波牛
斗朗 宦遊欣得地廳與諸君共勉湖山
有美宰官清

浙江臬署舊聯楊昌濬補書云

看堦前草綠苔青無非生意 聽牆外鴉
啼鵲噪恐有冤魂

又王凱泰聯

堂前草木新栽春色自留生意在 門外
湖山不遠清光先到我心頭

彭文勤題杭州府署贈邵太守齊熊聯

杭州太守湖山美 康節先生安樂窩

浙江撫署官廳聯

秦漢以來爲劇郡 江山如此幾傳人

又聯

此間只可談風月 相見何須問主賓

阮文達公題浙江貢院聯

下筆千言正桂子香時槐花黃後 出門

一笑看西湖月滿東浙潮來

又貢院明遠樓舊聯

夜半文光射北斗 朝來爽氣挹西山

又貢院大仙閣集句聯

到處聚觀香案吏 此邦宜著玉堂仙

又聯

上界真人足官府 衆仙同日詠霓裳

某明府題杭州府署竹樓聯

未知明年在何處 不可一日無此君

桂林呂月滄瑣郡丞隨其父在戊戌十五年始赦

歸成進士後觀政浙中初知慶元縣有大堂一

聯云

我也曾爲冤枉痛入心來敢糊塗忘了當
日 汝不必逞機謀爭個勝去看終久害
著自家

嘉定縣署花園內西北隅土山上有亭翼然名曰

今我粵逆之變燬於火中州劉鄣膏駐兵於茲

遂攝斯篆建工興築亭遂落成後南皮張樞蒞

任斯土又加繕治登斯亭也雨則塔影高聳市

屋連縣西北一帶樹林蒼翠遙掩城牆凡民田

耕作歷歷在目劉張二公皆有楹帖劉云

今不異乎古所云 我亦迫於時而起

張云

塔影城陰可詩畫 佳晴喜雨足登臨

又汪福安聯

石聳亭高頻年秋穫春耕民隱多經眼過

雲開塔峙一時撫今追昔余懷樂與人

同

光緒中張文襄總督湖廣節署大堂有一聯曰

北起荆山南包衡嶽中更九江合流形勝

稱雄楚尾吳頭一都會 內修吏治外肄

戎兵旁兼四裔交涉師資不遠林前胡後

兩文忠

文襄見聯嗟賞後知其人乃知縣需次者遂昇綰

要缺

又聯

江漢水東流舸艦黃龍節府上游尊柱石

尙書天北斗觚稜金爵泰階中夜炳台

垣

又聯

盛時禮樂入歌謠家頌禹功戶承周化

重鎮疆輿資控馭河流巴雪天接秦雲

又聯

圭瓚佐中興江漢萬年周雅勒 磐丹修

職貢金銀三品夏書登

又聯

士馬帶雄風記曾蕙圃春蒐釣台秋宴
山川增壯采爲有郢中高曲江夏奇童

又聯

千里舳艫聯農隙歲修江夏獵 三軍裘
帶涖府僚近接峴山游

又聯

蚡冒勤民筆路山林三代化 陶公講武
營門官柳四時春

又署內十桂堂聯

六曲闌干春晝水 萬家臺笠雨聲甘

湖北襄陽督學行臺有提學趙尙輔聯云

且開拓心胸看漢水波濤峴山風月 若

評論人物有武侯經濟工部文章

張文襄任兩湖總督時創設各局其門聯均張自

撰候補縣王子言所書王乃張門生輩張書酷

肖織布局聯云

經綸天下 衣被蒼生

又麻局聯

布衣興國 籃筆開山

又槍礮局聯

青霜武庫 紫洞雲臺

又江漢銅圓局聯

岷山導江蟠冢導漢 陰陽爲炭天地爲

鑪

又湖北籌防局聯

財力雄富 士馬精妍

用蕪城賦句上句切籌下句切防亦妙合亦豪闊

又湖北銀元局聯

楚國以爲寶 天用莫如龍

周彥升先生代雙松如題武昌同知署聯

使處治中別駕之任 書以河渠溝洫名

篇

是職兼司水利故云

又聯

山色連城定有詩人回杖履 江聲滿耳

坐看小吏卷文書

又聯

水道佐宣防江漢東流微臣不盡朝宗意

心

天威瞻咫尺長安西望遠道時懷捧日

又聯

方城爲城漢水爲池大好江山資坐歡
西望夏口東望武昌平分風月付閒吟

又聯

隨絞州蓼鄰櫓相聞何須更獻江防策
沔漢沱潛安瀾侍慶祇合勤修水利書

時有水患故云

倪豹岑方伯任荊州府題廳事聯

問誰爲倚馬才請試萬言斷不吝階前尺
地願相戒牧豬戲習勤百璧慎毋拋世
上分陰

武穴警察廳大門廳長程光啓聯

警於有衆 察其所安

漢口輪船公司門聯

中流擊楫 大雅扶輪

趙恭毅申喬自題湖南撫署門聯

但願民安若堵 何妨署冷如冰

李恭毅湖任通永觀察時題廳事聯

人苦不自知願諸君勤攻吾短 弊去其

太甚與爾輩率由舊章

萬縣左逸仙題益陽縣署門聯

公生明廉生威果哉末之難矣 禮制心

義制事必也使無訟乎

悔公題岳州審檢廳聯

法意比門外洞庭尤深惟孟德著書庶幾
知者 民情去階前春草不遠寧臯陶爲
士始足仁之

澧州岳常澧道署官廳聯

信古不遷也是昔賢知己 流陰若寄毋

爲今世閒人

巖村代澧州陶吏目作衙齋聯

在州無事朝暮習勞述祖區區九澧浮沉
營冷宦 先民有言獄市不擾守官碌碌
十年叨竊忝清時

又聯

洞庭拱東彭山峙西川嶽競雄輳此堂宇
獄市無擾盜賊遠迹掾僚有喜延於民

毗

獅子巖鉛礦公司悔公聯

要累黃金高北斗 故鞭赭石涸南山

江西試院王丹思聯

三條官燭棘闌辛苦廿年倘以溫飽負平生斯誓有如江水 一介儒冠玉暑光榮兩世能取文章報恩遇此行方識廬山

九江體仁堂內奎宿閣聯

到眼水天空對良時望嶽開軒風漾湖光明几案 舉頭奎宿近當靜夜校書高閣彩騰藜炬燦雲霄

又體仁堂聯

滿庭花木最深處 入室芝蘭相契時

古今聯語彙選初集 廨宇

馮柯堂中丞撫皖時於後圃蒔梅花及蔬果顏曰

菜根香自題楹聯曰

爲恤民艱看菜色 欲知宦況問梅花

皖省東流古彭澤地也縣令許子京題縣署聯云

謫仙遺蹟已千年看池上青蓮瓣香誰續陶令到官未百日幸洲中黃菊生氣還存

縣有青蓮祠李白曾游此又縣境有菊洲相傳陶

元亮種菊處

婺源縣試院齊梅麓聯

漬種必苗藝蘭必香千家茆屋書聲定有幾枝大手筆 登高自下陟遐自邇萬里蓬山雲路先從一邑小文場

安徽考棚聯

桃杏徧新陰地近三十六峯多士並鍾黃
海秀 宮牆侔闕里薪傳七百餘載幾人
能讀紫陽書

濟南節署珠泉精舍聯

喬木自知春不須問宋榆明槐繞屋扶疏
皆入畫 文波試打槳且薄采紅莎翠藻
中流容與欲忘歸

又聯

對一碧淵潭便欲澄清及民物 看百年
喬木須知盤錯待冰霜

山東臬署聯

晏嬰齊仁人一言而溥天下利 孔子魯

司寇無訟當爲百世師

成果亭成格撫粵東題廳事聯

花竹一庭是亦中人十家產 軒窗四壁
可無廣廈萬間心

翁覃溪督學粵東時撰學署聯

爾無文字休言命 我有兒孫要讀書

金粟香云爾雅釋地觚竹北戶西王母日下謂之

四荒注云北戶在南唐段公路撰北戶錄三卷

載嶺南風土甚備予在赤溪署闢書室自署門

聯云

著書賡北戶 拄笏看西山

施礪卿觀察權肇維道於署旁建高閣北眺星巖

南俯西江頗擅形勝劉東生別駕爲擬聯云

七星在北戶 初日照高樓

金粟香曰下聯曷不以一口吸西江易之東生稱
善予謂兩句實各極其勝

金粟香題赤溪廳署齋聯

月明海嶼森珠樹 霞起山城建錦標

又題濟川亭聯

來尋赤水三珠樹 穩泛滄溟萬里槎

李蘭卿守思恩時於賓州建聽荷小閣集句聯云

眼明小閣浮烟翠 身在荷香水影中

跋云道光丁亥六月按試賓州以是月二十四日

作荷花生日時阮春禽刺史重葺方成而申漁溪

陳紫瀾劉夢庭三明府皆不期而會一時之盛衆

賓俱驩余爲題榜曰荷花世界並集東坡誠齋詩

古今聯語彙選初集 廨宇

句懸於閣柱

汀州試院後有古柏歷任學使者皆致祭紀文達

下車之始亦循故事瓣香甫薦見有緋袍執笏

神隱隱樹表題一聯云

參天黛色長如此 點首朱衣或是君

福建延平府署廳事有江西鄒均宇聯云

豐城劍到此化龍故土多情笑認鄉親心

共慰 水部郎易而司馬冷官無事權膺

郡守政仍閒

福建興化府署聯

荔子甲天下 梅妃是部民

吳三桂有異志慮事泄撰一聯榜於滇南府門爲

掩飾計一日聖祖使人覘之使者以此聯歸告

聖祖大笑曰此老果不反也聯曰

帝力於我何有 臣清恐人不知

貴州修文縣署有知縣李鈞莫題聯云

修其孝弟忠信 文以禮樂詩書

楊仲雅題成都府試院聯

我生與永叔同鄉衡鑒無私得士急求如
軾轍 此地是升菴故里儀型不遠論文
何必溯淵雲

左文襄題甘肅節署澄清閣聯

萬山不隔中秋月 千年復見黃河清

原跋云同治十一年秋七月入居節署引河流注

園中鰲三池止之汲用烹飪畢事書此并爲聯懸

兩楹云

又題節署飲和池聯

空潭瀉春若其天放 明漪絕底飲之太

和

同治十一年秋戎事漸定會寧狄道地產瑞穀

甘肅節署建瑞穀亭文襄又題聯云

五風十雨歲其有 一莖數穗國之祥

又題節署望河樓聯

積石導流趨大海 空同倚劍上重霄

額云大河前橫

又題節署槎亭聯

八月槎橫天上水 連畦菜長故園春

甘肅節署後有園園中菜畦縱橫亦文襄闢也

撰聯云

閉門種菜 開閣延賓

光緒紀元詔開恩科時關隴肅清分闈得請甘肅

肇建試院左文襄題聯云

共賞萬餘卷奇文遠擷紫芝之近攀朱草
重尋五十年舊事一攀丹桂三趁黃槐

甘肅藩署官廳有薩湘林集經語聯云

有孚在道明功也 同寅協恭和衷哉

譚復生題甘肅藩署後園夕佳樓聯

夕陽山色橫危檻 夜雨河聲上小樓

關河羈思自于言外味之此聯今猶存樓中款署

復生尊人瀏陽中丞繼洵所撰實則復生之手筆

也

莊秉文先生任陝西長武縣題大堂一聯云

古今聯語彙選初集 廨宇

郊鄴聿肇迹有國王命尸臣官此枸邑溯
昔堇荼周雅不局川原居然汧隴肥磽關
吏獨饒經術氣 汝南實屬收宜祿水曰
治漆隸右扶風洪惟華黍公田不平渭汭
爲仰趙張關輔秦中自古帝王州

河南法院聯

莫尋仇莫負氣莫聽教唆到此地費心費
力費錢就勝人終累己 要酌理要揆情
要度時世做這官不清不勤不愼易造孽
難欺天

荆溪縣署毀於兵燹來任邑宰者輒賃舍聽政薛

慰農先生哲嗣貽澍宰荆溪賃試院作署自題

一聯榜之堂皇云

試院作官齋藉有詩書滌塵俗 治民猶

課士愧無教化起絃歌

奔牛鎮典史署聯

鼠雀無爭民謂時清官亦嬾 苞苴必却

生來貧慣本非廉

某少尉題聽事聯

作無品官行有品事 讀百家書成一家

言

某省縣署聯

四野桑麻不羨河陽花作縣 一腔冰雪

偏令寒谷黍知春

某省賓賓館聯

自分愧非偃室 相逢幸是澹臺

某縣署聯

得一日閒且耕爾地 不十分直莫入吾門

沈秋河廣文大門聯

讀書人惟這重衙門可以無妨出入 做
官的當此種職分也要有些作爲

學校

敷文書院在仁和縣萬松嶺上舊名萬松書院明

弘治中建康熙五十四年重修改今名聖祖題

聯云

縈洄水抱中和氣 平遠山如蘊藉人

又朱竹垞聯

入則孝出則弟守先王之道以待後學

頌其詩讀其書友天下之士尙論古今

又蔣益澧聯

浙水重敷文看此山左江右湖千尺峯頭

延俊傑 英才同樹木願多士春華秋實

萬松聲裏播歌絃

又楊昌濬聯

古今聯語彙選初集 學校

人祇此人不入聖便作狂中間難站脚

學須就學昨既過今又待何日始回頭

又俞曲園聯

倚檻俯江流一線濤來文境活 迎門飲

湖淥萬松深處講堂開

崇文書院在錢塘棲霞嶺之陽明萬曆中建康熙

間曾經御題蔣益澧聯云

珥筆共登壇懷瑾握瑜先向儒流覘器識

投戈重講藝敦詩說禮長留縣苑鎮湖

山

薛時雨前任杭守後爲崇文掌教又題聯云

講藝重名山與諸君夏屋同居豈徒月夕

風晨掃榻湖濱開社會 抽帆離宦海笑

太守春婆一夢贏得椶輦桐帽扶筇花外
聽書聲

又胡書農題崇文書院仰山樓聯

閉戶自精雲無心以出岫 登高能賦文
異水而湧泉

廣州學海堂爲阮文達所建以比浙中之詁經精

舍文達自題一聯云

公羊傳經司馬記史 白虎德論雕龍文
心

又蔣益澧聯

希賢希聖希天尙友詩書其揆則一 立
言立功立德名山俎豆不朽者三

又某君聯

南閣祭酒說文九千字 東國大儒著書
數萬言

左文襄南菁書院聯

繹志多忘嗟老大 青燈有味且從容

又定海黃以周聯

七十子六藝兼通文學溯薪傳北方未先
於吳會 九百里羣英畢萃禮儀表茅蕝
東林以後有君山

又黃體芳聯

東林講學以來必有名世 南方豪杰之
士於茲爲羣

又題南菁書院藏書樓聯

東西漢南北宋儒林道學集大成于二先